

中國通志集成

國朝百史志

中國邊疆史志集成

內蒙古史志
56

全國圖書館文獻
縮微復制中心

承德府志卷二十四

蠲卹

附粥廠

留養局

養濟院

我

國家子育黎民濟登仁壽凡劭農省歲減賦追徵寬
大之

恩疊見

明詔承德自雍正年勅設廳郡恭遇舉行

慶典普律均沾至每歲

玉輅時巡首先給復偏災偶及卽加倍撫綏尤從來史冊

所未有是用依次條舉並叅証於

巡典門所載而前代之澤及於民者別次於後焉志蠲卹

國朝

謹案承德府於雍正元年始設熱河廳凡

慶典

恩詔所頒斷自雍正年始康熙以前惟謹載

巡幸塞外賑貸諸典以誌

皇仁之廣訖至每歲

時巡蠲免經過地方額賦則俱恭錄

巡典門

康熙二十年

詔發喜峯口倉粟賑奈曼所屬貧戶

康熙二十四年

上巡幸塞外七月癸酉

駐蹕錫布赫海塔哈理藩院以浩齊特饑民奏聞
命以拜察儲粟一千石運往賑之

康熙二十八年八月丙子

諭扈從諸臣曰前諸王大臣以朕因歲旱之故抑鬱靡寧
兼遇喪事體加勞瘁再三懇請行幸郊外以養朕躬朕
允所請而行內地荒旱已遣官往察今觀口外田畝亦
因旱歉收故朕於此處貧民悉行補助又聞此地馬斃

甚多恐無知者罔識朕心乃謂朕以游嬉而來也是日
賜口外居民銀兩丁丑

上以諸蒙古歲旱乏食

命內大臣大學士等會議運米各口分賑各扎薩克清察
戶口王公台吉等親督領米喀喇沁翁牛特巴林爲一
起土默特敖漢奈曼爲一起蘇尼特察哈爾八旗爲一
起扎魯特阿魯科爾沁爲一起核實散給已卯至張三
營

賜居民銀米九月

駐蹕拜察和洛以喀爾喀信順額爾克岱青等六台吉所屬歲饑遣官察視行賑

康熙二十八年秋

詔發喜峯口倉粟賑敖漢所屬貧戶

康熙二十八年秋

詔發古北口倉粟賑巴林所屬貧戶

康熙三十四年以巴林所部歉收

詔發坡賴村米賑之

康熙三十四年以翁牛特所部乏食

遣官往賑

康熙三十七年冬

上諭朕巡幸所經見敖漢及奈曼諸部田土甚佳百穀可
種如種穀多穫則興安嶺左右無地可耕之人就近貿
糴不須入邊市米矣其向因種穀之地不可牧馬未曾
墾耕者今酌留草茂之處爲牧地自兩不相妨且敖漢
奈曼蒙古以捕魚爲業者衆教之以引水灌田彼亦易
從凡有利益於蒙古者與王台吉等相商而行

康熙三十八年

上諭朕軫念蒙古生計遣官教養已各安生理無不樂業
者邇聞巴林饑乏朕甚惻惻著護軍統領鄂克濟哈學
士蘇赫訥往會扎薩克等將現貯巴林米千石散賑若
人衆米寡著再運坡賴米賑給

康熙五十九年以土默特旱歉收

賜帑賑之

雍正元年九月欽奉

恩詔內開

一地方災傷已經查勘蠲免賦役者有司不遵仍行濫

派及但免有力之家致窮民不沾實惠者事發決不饒恕

一自直隸各省男女年七十以上者給與布一疋米五斗八十以上者給與絹一疋米一石九十以上者倍之百歲者題明給與建坊銀兩

一各處養濟院所有一鰥寡孤獨及殘疾無靠之人有司留心以時養贍毋致失所

雍正五年以敖漢所部災

賜帑賑之

雍正五年以奈曼所部歉收

賜帑賑之

雍正十三年九月欽奉

恩詔內開

一各省民欠錢糧係十年以上者著該部查明具奏候
旨豁免

一軍民年七十以上者許一丁侍養免其雜派差役入
十以上者給與絹一疋綿一觔米一石肉十觔九十以
上者倍之

是年十一月欽奉

恩詔內開

一各處養濟院所所有鰥寡孤獨殘疾無靠之人有司留心養贍毋致失所

是年十一月欽奉

恩詔內開

一直隸各省婦女年七十以上者給與布一疋米五斗八十以上者給與絹一疋米一石九十以上者倍之百歲者題明給與建坊銀兩

乾隆七年八月奉

上諭御極以來愛養黎元於蠲免正賦之外復將雍正十三年以前各省積欠陸續豁免以息民間追呼之擾今查雍正十三年正月起至十二月悉行豁免

乾隆十年七月乙未

上巡幸塞外出古北口以熱河米價未平

命撥二溝地方米數千石運往平糶八月乙巳

駐蹕張三營

命以密雲古北口運到漕米及喀喇河屯廳四旗廳倉粟

酌撥平糶兵民貧無力者借給

乾隆三十五年正月元旦日內閣奉

上諭朕寅承丕緒撫有萬方申旦求衣無日不以勤恤民
依爲念是以勸農省歲減賦追徵不靳多費帑金靳閭
閻共臻康阜溯在乾隆十一年丙寅朕御宇周旬肇敷
闔澤曾恭依

皇祖普免天下錢糧恩例蠲除直省額徵正賦二千八百
萬兩有奇越在三十一年丙戌際當必世興仁益惟比
戶饒裕是計復下詔將應徵漕米省分照康熙年例概

蠲一次俾各倉箱應衍倍積耕餘適年以來寰宇乂寧
民氣和樂惟

上天孚佑我邦家游錫康年朕祇膺

昊蒼鴻眷其可不究澤推仁以與我海內元元荅茲

嘉貺我國家席全盛之模內外經費度支有盈無缺府庫
所貯月羨歲增因思天地止此生財之數不在上卽在
下與其多聚左藏無寧使茅簷葺屋自爲流通迺者仰
紹

列祖貽庥化成熙洽爲民藏富欣際斯辰且今年爲朕六

十誕辰明歲恭逢

聖母八旬萬壽普天抃祝慶洽頻年尤從來史冊未有是
宜更沛非常之恩以協

天心而彰國慶茲因乘春頒令誕布陽和著自乾隆三十
五年爲始將各省應徵錢糧通行蠲免一次其如何分
年遞蠲之處著大學士會同該部卽速詳議具奏

乾隆四十三年正月二十四日奉

上諭前因

聖母萬壽特宏錫類之仁普蠲各直省錢糧以昭慶惠朕

本願俟恭祝

聖母九旬萬壽之年再溥恩施一次茲者

仙馭升遐此後更無可推廣

慈仁之處現在部庫帑項又積至七千餘萬著再加恩自
戊戌年爲始普蠲天下錢糧仍分三年輪免俾寰宇億
兆人民仍得共被

慈恩永申感慕而朕終天罔極之忱雖不能仰副萬一庶
幾藉茲稍展其如何輪派年分著戶部卽速悉心核奏
遵行欽此